

ասելոյ, թէ *Աստին ի դրունս սյանդիմանիչս*^ա, եւ զբանս սուրբս արհամարհէին: 18 Քանզի ոչ գիտէին¹ թէ որպէս այլոց ազգացն² եւ հաւատացելոցն կամ իմաստնոցն ետ նոցա զգիտութիւն ճշմարտութեան հաւատոցն աստուածաբանիւ քարոզութեանն, որպէս որք ընկալանն՝ առին գոհութեամբ եւ հաւատացին եւ վայելեցին ի շնորհս մարդասիրութեանն արդեւք, այլ ըստ հրեական մտացն կուրացելոց եւ խաւարելոց եւ կաղացելոցն ի ճշմարտութենէն: 19 Թերեւս եւ առ այս ազգ միտեր բանն մարգարեական յառաջգիտական, եթէ *Որդիք անմիտք, եւ ոչ որդիք իմաստունք. իմաստունք են սչար գործել, եւ սբարի գործել նոքա երբէք ինչ ոչ գիտացին*^բ: 20 եւ դարձեալ ասէ. *Որդիք եղջերիկք, խստասիրտք, խստաշունչք, ոյք դառնացուցին սիս նոքա եւ հարք իւրեանց*^գ: 21 Այսպէս լքեալք եւ սոքա, զի ոչ իմացան եւ ոչ հաւատացին յաներեւոյթսն Աստուծոյ երեւելեալքս. յարարածոց աստի չիմացան՝ զարարիչն եւ զկարգիչ եւ զինամիչն առնուլ ի միտ: 22 Յաճախեաց զերեւոյթ նշանս իւր եւ զսքանչելիս, մինչեւ զմարդկային բնութիւնս շարժեաց ի կերպարանս անասնոյ, ուստի փրկութեանն նոցա լինէին պատճառք:

23 եւ մինչեւ յայս յանպիտան եւ յանմիտ թագաւորութիւնն իսկ, առ այն թագաւորաւ Տիրանաւ, ընդ նոյն իսկ ընդ այս նայեցեալք, անցուցին չարութեամբք քան յամենայն դարս: 24 Մանաւանդ քան զամենայն, զի զգլխաւորն առաջնորդն թոպամահ սպանին, եւ այնուհետեւ ըստ կամաց գնային: 25 Քանզի ոչ ոք այն ոք գոյր, յորմէ խիթայինն յանդիմանութեանն՝ որ նոցա արգել անկաներ գնալ յանաւրէն ճանապարհն ելանել: 26 Ապա բարձեալ թողեալ եղեն նոքա ի ձեռանէ տեառն, երթեալք զհետ³ կամաց սրտից իւրեանց. ապա չկայր ոք առաջնորդ եւ ոչ զլուխ քահանայութեանն: 27 Սակայն փոյթք եղեն նոքա ոչ վասն ճշմարտութեան ինչ խնդրել իւրեանց հովիւ կամ առաջնորդ՝ որ կայցէ զլուխ ժողովրդեանն հաւտապետութեանն, այլ բանից ընկեր⁴ իւրեանց խնդրէին զայն ոք՝ որ ըստ նոցա կամացն վարիցէ:

28 Յայնժամ խորհուրդ արարեալ թագաւորին եւ իշխանացն, եւ համարեն իսկ աշխարհին թէ զո՞ր արժանի այնմ իմիք գտանիցեն. քանզի երկու մնացեալք⁵ երկուորիք երկու մանգունք, միումն Պապ անուն, եւ միւսումն Աթանազինես, ճանաչէին ստահակք եւ անխրատք, որք ոչ ինչ ըստ իմաստու-

ա Անգ. Բ 14

1 Յօր. ոչ էին

2 Յօր. ազգականացն

բ Հմմտ. Երեմ. Դ 22:

գ Հմմտ. Եզեկ. Բ 3-4:

3 Յօր. ըստ հետ

4 Յօր. միում բանընկեր

5 Ի հիկզ օրինակս՝ զնացեալք